



25. juli 2014

UKA 2014/111

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

**Qanoq iliorluta meeqqat pitsaanerusumik angerlarsimaffiup avataanut inissitagut nammineersinnaanissaannut ikiorsersinnaanerivut pillugu apeqquteqaat aallaavigalugu oqallisissiaq.**

(Inatsisartunut ilaasortaq Agathe Fontain, Inuit Ataqatigiit)

### **Tungavilersuut:**

Meeqqat inuusuttuaqqallu pisortat namminersortullumi angerlarsimaffiutaannut inissitat siunertaqartussaapput inuunermanni pitsaanerpaamik ingerlaqqinissaannut

Tamannalumi anguniarlugu kommunit inissiisut inatsisitigut piumaffigineqartarput inissiinermiit siunissaq isigalugu periusissamik allataqariissasut.

Taammaakkaluartoq inatsisit malinneqanngitsoortuarput.

Takujualerpagut meeqqat inissiiffinni assigiinngitsuniit assut pissusissaaleqisartut iliuusissaminnik. Inuusuttuaqqat ilaat atuartussaallutik sivisuumik atuanngitsoortarput, ilaat suliffimmik sungiusarniarlutik aqunneqannginneq pissutaalluni uniinnartariaqartarput. Tamatuma kinguneraa pisortat angerlarsimaffiini inuusuttuaqqat susassaaleqillutik inoorusaalersarnerat.

Qularutissaanngilaq sulisut sapinngisartik tamaat ilungersortut. Paaqqutarinia-gaalli ima innarlerneqartigisarsimapput nalinginnaasumik perorsaaneq aqputigalugu killikkuminaassinnaallutik.

Tamakku ilisimariikkatta pingaassusiat ersersinneqarpoq nalunaarusiami taaguutilimmi: "Siusinaarluni iliuuseqarnissaq pingaaruteqarluinnartuusoq." Tassaasorlu pingaartillugu ingerlanneqartussa.

Ullumikkut inissinneqarsimasut inuunerat kingumut qiviarfigigaanni, tamatigun-gajaavik, takuneqarsinnaavoq amerlasuut naartuuneraniilli iliuuseqarfigisima-sassaagaluartut. Siusinaarlunilu iliuuseqarfigisimagaanni ullumikkut ajornartor-siutaasut minneerakasiussagaluartut.

Ullumikkulliuna qanoq iliorniartugut ? Pilersaarutininik kommunit allattarnissaat piumasaqaataasoq naammassineqarneq ajorpoq. Tamanna ilisimavarput. Kom-muunillu sulisuisa suliassaqarpallaarnerujussuat peqqutaqaataavoq. Meeqqanut inuusuttuaqqanullu inatsisitigut piumasaqaatigut sukaterutsigit ilumut ajornar-torsiut qaangiutissava ?

Ulloq unnuarlu angerlarsimaffiit, meeqqat inuusuttullu ataasiakkaarlugit periusissaminnik allassimasunik malinnissinnaanerat, Namminersorlutik Oqartussat nalilersortartussaavaat. Qanoq iliuuseqartoqartarpa inuusuttuaqqanut siunertarisat malinneqarsinnaanngikkaangata? Soorlu meeqqat atuarfiinut, ilinniaq-qinnernut sulinernulluunniit misiliinernut, tunngatillugu.

Taamatuttaa q ulloq unnuarlu angerlarsimaffik siunertamisut ingerlanngippat, taava qanoq iliuuseqartoqartarpa? Ilaatigummi inissinneqarsimasut unnuarsuarmut aneersinnaasarput, inissisimaffitsik sinittarfittut nerisarfittullu atuinnaarlugu. Atuassanatik, siunertalimmik iliuuseqarfigineqassanatik, suliffimilluunniit sungiusarfissaminnik innersuunneqassanatik.

Kingunerisarpaa inuusuttunnguit akisussaaffimmik ilinniartinneqannginnerat. Inerillutik namminneq inuulernissamik tungaannut piareersarneqaratik.

Tamakkununga ernumaammerneq piutillugu, eqqaanngitsuugassaangilaq Inatsisartuni akuereriikkat. Inuusuttut angerlarsimaffiup avataani ukiuni amerlasuuni inissisimanikut 18-inik ukioqalernerisa kingorna iliuusissat (efterværn) Sumut tamakku killippat? Qanoq iliuuseqartoqarpa 18-inik ukioqalereersimasut pakkersimaarniarlugit?